



Codex diplomaticus Brandenburgensis

Sammlung der Urkunden, Chroniken und sonstigen Quellenschriften für
die Geschichte der Mark Brandenburg und ihrer Regenten

Sammlung für allgemeine Landes- und kurfürstliche
Haus-Angelegenheiten

Riedel, Adolph Friedrich

Berlin, 1861

60. Schreiben des Königs und der Königin von Dänemark über den Tod
des Markgrafen Johann mit Beantwortung Markgraf Albrechts, vom 1.
Januar 1465.

Nutzungsbedingungen

[urn:nbn:de:hbz:466:1-56615](https://nbn-resolving.org/urn:nbn:de:hbz:466:1-56615)

60. Schreiben des Königs und der Königin von Dänemark über den Tod des Markgrafen Johann mit Beantwortung Markgraf Albrechts, vom 1. Januar 1465.

1. Vnfern freuntlichen grus mit sunder andacht zuuor, hochgeborner furst, lieber Swager. Ewern brief am Montag Elisabeth nechst vergangen von des hochgeboren fursten, heren Johannsen, Marggrauen zu Brandenburg etc., vnfers lieben vaters, vnder anderm Innhaltende geschriben, haben wir am heiligen newen Jars abend empfangen vnd mit trawrigen herzen vernomen. Alsdann, lieber Swager, wir billichen mitleiden mit der hochgeborenen furstin, vnser lieben hauffrawen, ewr vnd mer vnser heren vnd frunden, als got erkennet, wir von gantzem hertzen haben, als wir wol pflichtig sind vnd thun sollen, Sind wir doch widerumb erfrewet, das er, als ir schreibt, ein gut end vnd abgang vnd sein sacrament, als einem cristenlichen fursten zymet, des got der almechtig gelobet sey, hat gekriegt. Als Ir furder begert, das wir Ine In vnfern Reichen vnd Landen In Clöstern vnd Kirchen wollen begeen lassen, dencken wir dem alz vnsern lieben vater, als wir von rechts wegen wol pflichtig sind, Das Ir der hochgeboren fursten, vnser lieben muter, In Irn grossen notturften trosten vnd solchen bey troste wesen wollet, Ir leibding vnd was Ir von dem gnanten vnsern lieben vater ewrm bruder verschriben vnd sie recht zu hat, volgen mög. Das auch, hochgeborner lieber Swager, vnser lieben hauffrawen an dem, das Ir nach dem egenanten Irm vater seligen angefallen ist vnd von recht wegen gebürn mag, on hinderung widerfare, Als wir vns des gantzlich zu euch versehen, verschulden wir vmb ewr liebe, die got lang frölich vnd wolmogend friste vnd spare, gutwilliglich gern nach gebüre vnd begern Des ewr richtige beschriben antwort bey difem gewertigen, wir vnd sie vns dornach mogen richten. Datum vff vnserm Slosz Kopenhagen, am heiligen newen Jars tag, Anno etc. vnder vnserm Secret.

2. Lieber here vnd Swager. Wir haben ewer durchluchtigkeit schrift vnd vff cleglichs verkünden abgangs des hochgeborenen fursten, vnfers lieben Bruders, Marggraff Johannsen, seliger gedechtnus, zugefügt wol vernomen vnder annderm Innhaltend bete vnd ersuchung der durchluchtigen konigin, ewer liebe gemahel, vnser lieben frawen vnd Mumen, Auch der hochgeborenen furstin, vnser lieben Schwester, des gnanten vnsern lieben Bruders seligen wittwe, mit der wir vns gutlich vnd nach Irm willen vertragen haben, Sol ewr liebe on zweuel steen, worjnn wir ewr durchluchtigkeit ewer gemahel, Ire muter vnd Schwester vnsern lieben frawen, Mumen vnd Schwester In aller gepürlichkeit zu willen sein vnd werden mögen, das wir des gantz, willig vnd vnuerdroffen sind, Als ewr liebe des auch durch ewrn diener Darius von Meyental verrer bericht werden mag vnd beuelhen vns ewer beider durchluchtigkeit als vnsern lieben hern Swager, frawen vnd Mumen, die der almechtig In langkwirigen gluckseligen zusteen fristen vnd enthalten wolle. Datum etc.

3. Vnnfern fruntlichen grus mit angeborner libe zuor. Hochgeborner furste, lieber vetter. So Ir vns des hochgeborn fursten vnfers lieben vaters tod, dem got der almechtig sey, In ewrm brief verkündigt habt, Ist vns wol ein solch swer anbegynn des heiligen newen Jars, yedoch wir got In vnnser betrübnuß so wol, als vnnser frewden zu dancken pflichtig sind, Sunder seins guten abgangs seines letzten als Ir schreibt, den Im got verlihen hat, Bitten hirumb, lieber vetter, fruntlich angesehen vnfern höchsten trost nechst got vnd vnferm gnedigen lieben hern vnd gemahel an demselben vnferm vater seligen verstorben vnd abgangen ist, Ir vns vnd der hochgebornen furstin zu Mantua vnd Stetin, vnnser lieben Schwester, In vnferm rechten willen fürderlich vnd beholffen sein, das vns an dem vnnferm nit hinderung geschee, Mer das vns nach seinem tod seligen anfeilig ist gantz vnd alles vngehindert volgen möge, Das auch der hochgebornen vnser lieben frawen vnd muter bey dem Irn, das Ir der vrogenant vnnser lieber here vnd vater verfigelt hat vnd von recht geburt, moege bleiben vnuerkert, als die erben vnnfers lieben vaters seligen ewr bruder nicht anders, so wir vns verhoffen, verschuldet haben vnd wir ewr liebe gantzlichen des vnd alles guten zu getrawen, das wollen wir vmb die vilgnanten ewr liebe, die got der here In langer frölicher wolfart selig fristen vnd enthalten wolle, gutwilliglich gern verschulden vnd begern des ewr richtige beschriben antwort, das wir vns darnach richten mogen. Geben zu kopenhagen, am heiligen Newen Jars tag, Anno etc. LXX^{to}, vnder vnferm Secret.

4. Liebe fraw vnd Mume. Wir haben ewer durchluchtigkeit schrift vnd vff cleglichs verkünden abgangs des hochgebornen fursten, ewer liebe vaters, vnnfers lieben Bruders Marggraue Johannsen, seliger gedechtnüs, zugefügt wol vernomen vnder anderm Innhaltend bete vnd ersuchung ewr selbs Liebe vnd der hochgeborn furstin ewer lieben swester von Stetin vnd Mantua berürend, Auch von wegen der Hochgeborn furstin, ewer liebe muter, vnnser lieben Schwester, mit den wir vns gutlich vnd nach Irm willen vertragen haben, vnd sol ewr lieb on zweuel steen, Worjnn wir vnnferm heren vnd swager, ewrm gemaheln, ewer liebe, ewer Muter vnd Swestern In aller gebürlichkeit zu willen sein vnd werden mogen, Das wir des gantz, willig vnd vnuerdroffen sind, Als ewr liebe des auch durch ewer diener Darius von Meyental verrer bericht werden mag, vnd beuehlen vns ewer durchluchtigkeit, als vnnser lieben frawen vnd Mumen, die der almechtig In langwirnden gluckfeligen zu steen fristen vnd enthalten wolle. Datum etc.

Nach der Abschrift des Königl. Hansarchives.